

**Стихи коми поэтов о маме на коми языке  
Коми поэтыслон мамлы сиом кывбурьяс**

**Ванеев Альберт. Мам йылысь  
кыв**

Тождысь медьёна,  
Содтö мывкыд-сямöс:  
Медся югыд шонді –  
Менам муса мамöй!  
Нэмсö вермас видзны  
Муслун сёлöм шöрас.  
Мелілун да мичлун  
Мамлы чукойöн төрö.  
Кöсья сідзи овны,  
Велöдчыны сідзи,  
Некор мед эз ковлы  
Мамлы менö видны.  
Мамлön праздник лунö  
Кöсья сылы сины,  
Медым шуда нюмön  
Югъяласны синъяс.

**Васютов Юрий. Мам**

Мамö вурис меным дөрöм,  
Мамö шöраліс нянь шөрöм,  
Мамö мыськис менсьым чужöм,  
Мамö пуис чöскыд ужин,  
Мамö шебраліс да мойдіс,  
Мамö орччöн вöлі войбыд,  
Мамö дорын ме ог дур,  
Менам мамö медся бур.

**Елфимова Анжелика. Мамуклы**

Кутшöм эськö кывъяс  
тэныд вичмöдны,  
Кодкöд эськö  
өткодявны тэнö?  
Ог тöд.  
Ме öд век на тэнад

ичöt ныв,  
Кöть и ачымöс нин олöм  
важөн венö.

Кымын аттьö  
висьтавыны тэд вунöді  
Да и кымынöс на  
вунас шуны...  
Мырдön зіля тувчавны  
кок туйöдыд,  
Сöмын, буракö, ог вермы  
некор суны...

**Елфимова Анжелика. «Мам... Ме  
бара звöнитны эг лысьт...»**

Мам... Ме бара звöнитны эг лысьт.  
Ме тэнад гөлöс көрысь повзи.  
Öд сійö та дыранад совзис,  
А бöрсö юммöднысö кысь...

Мам... Ме бара тэ дінö эг лок,  
Кöть эськö көсий. Збыльысь көсий.  
Ме тöда — тэныд вывтi шог,  
Ме ачым тайö шогсö вöзий.

Мам... Тэ менö нинöмысь он вид.  
А бурджык эськö медым видін,  
Мед элясьöмнад дойтö сывдін,  
Эн гусьöн сёлöм боктö нирт.

Мам... Ме коркö ачым лоа мам.  
Ме тэ моз коркö нывлön вуна  
Да тэ моз öткалунö суна,  
Öд сылön ме моз 1 зло сям...

**Кутькина Ольга. Мам**

Мамö му вылас зэв шань,  
Ставсö кужысь-вöчысь ань.  
Мамлы отсасьны ме рад,  
Кöть и ворсыштны нин кад.  
Мамöс радейта ме ёна,  
Сійö меным медся дона.  
Пидзöс вылас пукышта,  
Пельпомöдыс кутышта.

**Лебедев Михаил. Мам и челядь**

Коді челядь вöсна шогсьö,  
Челядь гөгöр зіля ноксьö,  
Видзö найöс вой и лун,  
Ылö на дінысь оз мун?  
Налөн муса мамыс!

Коді на вöсна и олö,  
Найöс кывйөн дойдны полö  
Сетö чöскыд сёянтор,  
Аслыс водзöссö оз кор?  
Налөн дона мамыс!

Челядь быдмöны кö бура,  
Оз кö лоны пемыд юра,  
Коді сэки медся рад,  
Оз и аддзыв гажтöм кад?  
Налөн зарни мамыс!

Оз кö челядь шаня овны,  
Лёксö вöчны оз кö повны,  
Коді жугыльтчöма сэк,  
Быттьö арся лунö кöк?  
Налөн коньöр мамыс.

**Лодыгин Василий. Мамлөн лун**

Луныс зэв нин югыд лоис,  
Тöлыс лымсö оз нин гарт.  
Мамлөн ыджыд празник воис,  
Локтіс войвылö кор март.

Мамлы шуи асывводзын:  
«Уна-уна во тэ ов!»  
Сэті садйын вöчöм козин –  
Магазинсаыд оз ков.

Батьö окыштіс жö гусьён,  
Тайöс аддзылі ме, дерт.  
Сыкөд пелькөдчам да пусям,  
Талун мамным шойчас мед.

**Лодыгин Василий. Мамö ордын**

Он на чеччöд менö, аслым дыш кö,  
Наянöйла нинöмсö ог кыв,  
Кöть и кылö, кызди мамö чышкö  
Войся лымйөн тырöм кильчö выв.

Водзын, гашкö, кыз на песас олöм,  
Ог кö öні, красуйтча нö кор?  
...Мамö ордö гөститны ме волі,  
Аски муна шонді петандор.

**Лодыгин Василий. Мамöлы:  
сьыланкыв**

Некод оз веж  
Тэнсьыд муслунтö, мамö,  
Тэнлы моз  
Некодлы сідзи ог ков.  
Сёрнитан зэв нин тай  
Лöня да рама,  
Эн на вай омöльтчы,  
дырджык на ов.  
Тöвся бур туй дырйи  
бара на вола.  
Пывсям да пукалам  
тэкöд ми дыр.  
Тöдмала, сиктыс  
кызд öні нин олö.  
Сы дорö муслунöй

эз на өд быр.  
Кор менам лов вылын  
сьёкыд да пемыд,  
сьёлөмөс бурмөдан,  
кыпөдан лов.  
Кузьён мед лоас на,  
мамукой, нэмыд.  
Ловъя кө тэ,  
меным нинөм оз ков.

**Лодыгин Василий. Мамө воис**

Мамө видлыны воис,  
Кыдзи олам да мый.  
Бара вайис тшөтш со и  
Сола тшак да и вый.

Ичөт пиёйлы вайис  
Чөскыд мырпом да оз.  
Пөчлы мездорас кайис  
Пиёй кысильёй моз.

Ставлы нимкодъ да долыд,  
Сёрни небыд да рам.  
Кутшөм сиктаным олөм,  
Меным висьталө мам.

Коді чужис да куліс,  
Кодлөн код серти пөв,  
Кутшөм вөлөма тулыс,  
Кутшөм виччысьё төв.

Сөмын ас йывсьыс сылөн  
Кывйыс шуны оз сюр,  
Быттьө олө да сьылө,  
Быттьө ставыс нин бур.

Сійөс зэв бура төда:  
Мамлы овлө и шог.  
Сөмын, корны кө мөда, —

Ог пө, пиукөй, лок.

Кытчөдз верма пө, вола  
Тадзтө видлыны пыр,  
Сөмын бура пө олөй,  
Эн пө көдзөдөй жыр.

Менам олөмын лоис  
Талун шуда зэв лун:  
Мамө видлыны воис.  
Гашкө, оз сэсся мун?..

**Лодыгин Василий. Меддона морт**

Тайө му вылас ставыс мем дона:  
Эжва ю, парма йир, кыддза рас.  
Натөг сьёлөмөй некор оз шонав,  
Натөг морөсам быттьөкө тас.

Но донасьыс-донаяс эмөсь,  
Медся донаыс му вылын — мам,  
Коді сетіс мем овнысө нэмөс,  
Коді сетіс мем овнысө сям.

Сэтчөдз сы йылысь гижа да сьыла,  
Кытчөдз гөлөсөй менам оз быр,  
Кытчөдз вежөрта, аддза да кыла,  
Кытчөдз бөрссияныс гуө оз пыр.

**Лодыгин Василий. Мамө сьылө**

Катам пыжөн Эжва йылө,  
Батьө сынө, мамө сьылө.  
Бара Ёкыша йир дорө  
Чөвтам Сюрुकнымлы зорөд.  
Вонас өтчид мамө сьылө,  
Кор ми катам Эжва йылө.  
Татшөм гажа ывла вылас  
Медъя сьылас, медъя сьылас  
Медъя кылас, медъя кылас  
Менсьым мамөс Эжва йылыс.

**Лодыгин Василий. Мам  
(Гөрбылясьö мамö пач вом  
дорын...)**

Гөрбылясьö мамö пач вом дорын —  
Асывъяснад нокыс сылөн тыр.  
Регыд дзоля воккөд сёйны корас,  
Кодкөд талун бара узим дыр.

Пызан вылө шыд ли, суп ли ваяс,  
«Эн жö сотчöй, пöсь да», — керас  
сідз.  
Дзоля воклы шуас öти сайö,  
Медым няньсö понъяслы эз видз.

«Вуграсьны кө матөджыкө мунан,  
—  
Меным тшөктас, — Колюктө  
тшөтш босът»...  
Ичөтдырся казьтылөмыд уна,  
Вой шөр кадö сөмын синтö восът.

**Лодыгин Василий. Мамлөн  
керка**  
Мамлөн керка муса Эжва йылын,  
Көть и воймис, сулалö на пыр.  
Сэні чужи, сэні бөрді-сьылі,  
Сэні колис көмтөм челядь дыр.

Сэсянь ылö велөдчыны мунлі,  
Медым босътны кутшөмкө да сям.  
Мамлөн керка, некор дзик эз  
вунлы,  
Кыз эз вунлы ачыс муса мам.

Сэтчö ассьым дона пөлөс вайи,  
Сэні чужис ас кодьым жö пи.  
Дерт, эз вөв ас гортын, кызди  
райын,

Но сэн шудсö унджык төдлім ми.

Мамлөн керка муса Эжва йылын  
Век на ассьыс пöрысьлун оз кыв.  
Лёклы паныд — квайтнан пельöс  
сылөн,  
Гöсьтлы воча — паськыд кильчö  
выв.

**Лужиков Александр. Мамөн  
мыськөм керка шөрын...**  
Мамөн мыськөм керка шөрын  
югыд, быттьö кыддза вöрын,  
быттьö, быттьö зэрөм бöрын  
өвтö купальнича көрөн.

Пемыд öшинь дорын кывза  
төвся рытлысь сьыланкывсö.  
Лолысь, сьөлөм пытшкысь кыла  
колипкайлысь асья сьылөм.

**Мингалева Наталья. Мам**  
Коді медся-медся шань?  
Коді пöжалö век нянь?  
Коді мелі, коді рам?  
Тайö – менам муса мам.

**Мишарина Александра. Мамлы  
козин**  
Оз на дзоридзавны  
Льөм ни пелысь.  
Кыз пу чойыс.  
Тола пиөд келö.

Март төлысьыд  
Коми муад төв на.  
Көдздөдлас и сывлас  
Уна пөв на.

Икебана-дзоридз  
Вёчам мамлы.  
Абу ичотось нин  
Тырмё сямным.

**Мишарина Александра. Мам**  
Тэнад олём эз вёв кокньид,  
Сьёкыд кадö чужлін.  
Төдлін нянь кусёклысь донсё,  
Уджавны тэ кужлін.

Ылі туйысь локта, паныд  
Тэрмасьёмён петан.  
Мам, тэ сёмын сійён озыр,  
Мый став бурсё сетан.

**Паршукова Александра. Мам**  
Медся муса, медся бур,  
Сыысь донаджык оз сюр.  
Сійё медся мича менам,  
Мамкөд дзик став сьёкыд венам.  
Сылён синмыс — алмаз югыд,  
Абу сыысь бурджык другыд.  
Сылён кийс — небыд шөвк,  
Вом дорыс — кыз чёскыд нёк.

Уджыс мамлөн кийн пуö.  
— Лёклань эн бергөдчөй, — шуö.  
Велөдö сёмын бур вылө,  
Сылён радейтём пыр кылө.

Сійё печкас, кыас, вурас.  
Ставас киподтуйыс сюрас.  
Вотчас, кытшовтас став вöрсö,  
Ваяс аскөд чёскыд көрсö.

Зарниысь на дона сійö,  
Пукта дзоридз сылөн киö,  
Шуа: «Сьөлөмшөр менамөй!

Радейта ме тэнö, мамөй!»

**Попов Владимир. Менö муса мамö.**

Асья шондi малалö  
Менсьым чужөмбанös —  
Узянінссым чеччөдö  
Менö муса мамö.

Төвру бриньгö öшиньö,  
Оз жö ов сэк рама,  
Школаö кор мөдөдö  
Менö муса мамö.

Рытнас, кызди-й классаным,  
Зильлунöй мөй ямö,  
Ошкас көть пятёркаысь  
Менö муса мамö.  
Водзын луныс лыдтём на...  
Пыр на содтi сямös,  
Шаня овны велөдö  
Менö стрөг, бур мамö.

**Попов Владимир Мамöлы**  
Он тай кодсюрö моз лөвт,  
Висьөдчан көть, төда...  
Кызкар сиктö менö мөвп  
Нулö чизыр өдөн.

Кыз көть турөбыс оз гарт  
Лымсö тшөтш и сэтөн,  
Паныдавын вильдөм март  
Кильчö вылө петан.

Ловтö лэптö баддя дi,  
Ягыс мөдлапöлас.  
Весь оз овлы тэнад ки —  
Лымсö зыртан чöла.

А кор бара лэптан юр —  
Тэнад видзёдласысь  
Гөгөр лолө шань да бур.  
Шондіасьё асыв.

И ме көсья-вөзья тэд:  
Эн на дзикөдз висьмы.  
Мый нө сэсся, көть и мед  
Дыр эг гижлы письмө.

Весиг открыткатор  
Ыстынысö вунлө,  
Копыртчыла — водз көть сёр —  
Мартлөн гөрда лунлы.

Пач трубасыд пуркйö тшын,  
Кызд быд асыв петлө,  
Кыла сэсь ме олөм вын,  
Коді-й вирам ветлө.

Дорысь дор и помысь пом  
Праздник гысö кылам.  
Сэтчөдз, мамö, лоа том,  
Кытчөдз олан-вылан.

Көн көть менö гаж и шог  
Топөдласны нэмнам,  
Ог на өтчыд сэтчань лок:  
Виччысьысь тэ эм на.

Сотысь-өзйөдысь, кызд би,  
Чолөм ыста талун —  
Гражданин, поэт и пи  
Тэнад да страналөн!

**Попов Владимир. Мам динö  
волан да**  
Мам дінад волан да, бара  
Быттьökö бордьясьлас лов —

Аскилы лэбовтан воча,  
Усьёмысь ньöти он пов.

Керөсьяс, сёнъяс и ёльяс  
Нöшта на мусаöсь сэк.  
Кылан, мый ас чужан пельöс  
Увтыртны — зэв ыджыд грек.

Сьөлөмад надея туö,  
Эскöмыд некор оз берд:  
Мам дінсьыд ылыстлысь туйыс  
Вайөдлас унаысь, дерт.

**Попов Владимир. Мамö**  
Чужан керкакөд янсөдчи кор,  
Пöся куимысь оқышті мамöс.  
Ньöжйö ылыстчис крут берег дор.  
Мамö горөдіс:  
— Сэн, чемоданас...

Мый жö сэн — сразу эг гөгөрво,  
Сöмын дыр на руд кепкаөн өвтчи.  
Кор нин ю весьтö пуксис сэзь вой,  
Вылыс палуба вылысь ме лэччи.

Кывтім ылөдз нин. Сöмын тай мам  
Быттьö бара на кыр йылö петіс.  
Восьті вöлисти ме чемодан:  
Часлы, видзөдла, мый жö эм сэтөн?

Кыски ичөтик юрлөс ме сэсь,  
Кельыдлөз рёма кышöдыс сылөн.  
Быттьö енэжö мича веж лыс  
Вышивайтöма мамöй сы ылө.

Сылөн кияслы удж сюрö пыр.  
Кор нин та ылө кад бара сюрис?  
Сэсся, мам йылысь думайтігтыр,  
Пукті юрлөсöй ылө ме юрөс.

Вошис кытчөкө төдлытөг мудз.  
Быттьө мамө сэк малыштис менө.  
Быттьө шөпнитис: «Узь, пиук, узь.  
Уна туй на өд олөмад тэнад».

**Попов Серафим. Мамлөн  
праздник**

Этшаджык көкъямыс часысь  
Узьны мем оз позь,  
Но во чөжнад өти асыв  
Чечча мамысь водз.

— Мамөй, — шуа, — видза олан,  
Некор өд оз вун, —  
Лымъя мартын буретш волө  
Тэнад ыджыд лун!

Тіян, чайта, эм жө мамныд,  
Менам кодь жө бур,  
Тайө лунө сылысь сяммөй  
Окыштны дзор юр.

**Попов Серафим. Мамъясыд  
сэтшөмөсь найө... : Сыланкыв**

Мамъясыд сэтшөмөсь найө:  
төждлунныс некор оз ям...  
Көнкө лөз ордымьяс сайын  
менө тшөтш виччысьө мам.

Мед көть и абу нин дзоля —  
мичмөдө юрөс дзор си! —  
пыр сылы сэтшөмөн коля,  
кутшөмөс сывъявліс ки.

Муслуныд чинлө и ойdlө,  
өти эм медмуса век...  
Мамъястө лёк кывйөн дойдны, —  
му вылын медсьөкыд грек!

**Попов Серафим. Бур мам**  
Менам мамө медся бур,  
Сыысь мусаыс оз сюр.  
Менө пасьтдө и вердө,  
Шонтө аслас сьөлөм бердас,  
Ичөт юрө көдзө сям...  
Тіян эм-ө сэтшөм мам?

**Селиванова Альбина. Мамыд —  
медся дона**

Мамыд — медся муса,  
Мамлөн сьөлөм — шань,  
Кытшовт көть став Мусө,  
Мам кодь оз сюр ань.

Мамыд сетө олөм,  
Мамыд — медбур ёрт,  
Мед көть кытчө волан,  
Мамтөг — шуштөм горт.

Велөдас бур вылө,  
Оз шу тэд лёк кыв,  
Мамлөн — мыла сьылан,  
Мамлөн — небыд сыв.

Мамлөн видчөм вунө,  
Велөдыштө көть,  
Төждыс сылөн уна,  
Мамыд — абу тьөт.

Гөгөрвоам тайөс  
Зэв өд сёрөн ми,  
Мамлы шогсьөм ваям,  
Кывзысьтөмөн дзик.

Мамлы ныв-пи — дона,  
На вөсна төжд-нок,  
Виччысьө өд ёна,

Кор дыркодь он и лок.

Мыйкө век он эшты,  
Аслад төждыд — тыр,  
Выль олөм он песты,  
Мамыд 8 зло дыр.

Мамыд 8 зло томмы,  
Орччөн век 8 зло,  
Муса мамтөг овны  
Сьökыд зэв на со.

Мам шань кывтө аддзас,  
Сетас бур совет,  
А ми сэк жаляддза  
Ыстылам привет.

Мамыд — медся дона,  
Сійö — медся шань,  
Челядь вöсна ёна  
Төждысьö бур ань.

### **Селиванова Альбина. Мам дінö кыв**

Муса мамукöй, донаöй, мамукöй,  
Ыджыд мывкыда югыд шондiйöй,  
Тэнад киясыд шоныдöсь, небыдöсь,  
Тэнад мөвпъясыд ясыдöсь,  
югыдöсь.

Тэнö сывъяла ме, пöся окавла,  
Сöмын тэныд шогъясöс висьтала,  
Коркö видлывлан, коркö велөдлан,  
Сьөлөм висьöмысь нывтö  
пальөдлан.

Сöмын тэ водзын нэмöс ме  
уджйöза,

Но öд тэ дорысь ог жö нин мун  
йöзö,  
Сöмын тэ жö тай быдногыс  
отсалан,  
Веськыд туйсö тэ жö тай индылан.

Тэ кодь мичасö эг на аддзывлы,  
Тэ кодь авъясö эг жö төдлы и,  
Ов на видза да дыр, муса мамукöй,  
Тэкöд кыпыдджык асшөр олөмöй.

### **Тимин Владимир. Мамöлы**

Тэ коркö рөмпöштантор  
Босьтлiн киад  
Да шога нюммуныштiн:  
«Воястö он вен».  
Дзик нинöм сэки эг шу,  
Тэнад пиыд,  
Кöть чукрыяссьыд  
Мыжа тшöтш и ме.

### **Тюрнин Н. Мамлы**

Пессин, вийсин, эн видз ньöти  
асьтö,  
Чеччывлiн тэ кыаыскöд тшöтш,  
Челядь вöсна висин — ставсьыс  
аттьö,  
Кывйыс танi лöсьöлана, стöч.

Венiн ставсö, зiлин вöчны бурöс,  
Эн пов уджысь некөн, миян мам,  
Сэтшöм коми нывбабалөн сюрöс —  
Удж вылын кө збой, то гортын рам.

Шудсö тэчин тэ эн öти пилы,  
Быдмим-верстяммим, кыпöдчим  
ми.

Олөм ордымöд мөдöдны зiлин,  
Кызд тэд тшöктылiс сьөлөмлөн би.



Веськыд ордымлань пискөдін  
туйсө,  
Сэті восьлавны миянлы дыр.  
Кутам ас пытшкын лёксө и бурсө,  
Медым олөмас пежыс оэз пыр.

Велөдін тэ сөмын мывкыд вылө,  
Чужтін-пестін кужөмлун и сям.  
Тэнад көсйөм кывбурын со кылө,  
Муөдз копыр тэныд, муса мам.

**Ульянов Александр. Мамө**  
Олөмыс тэрмасьö-мунө,  
Лун бөрся кылалө лун,  
Паметысь унатор вунө,—  
Мамөй некор оз вун.

Ола көть ылын, көть матын,  
Гортөс ог аддзывлы дыр,  
Мамөй морөсын, татөн,  
Сьөлөмкөд йитчөма пыр.

Муслунтө некор он ланьтөд,  
Бур дінө пыр сійө бур.  
Мамуклы, медмуса анылы,  
Кок улөдз копыртла юр.

**Шиликова Зоя. «Мамыд – сійө шонді...»**

Мамыд – сійө шонді,  
Пөсь сьөлөмнас шонтө,  
Мамыд – югыд кодзув,  
Туйтө индө водзө.  
Мамлысь мелі кывсө,  
Ныв-пи, шаня кывзөй.

**Ширяев В. Миян мамыас**  
Кумачын сиктыяс, карьяс...

Көть кодарө он мун,  
Став мирыс пасйө праздник –  
Март көкъямысөд лун.

Ми олөмын мый бурыс,  
Дзик ставсө сетө мам:  
Здоровье, пельклун, вежөр  
Да төлкөн олан сям.

Быд висьөм өдйө бурдө,  
Кор мамлысь кылан кыв.  
Мам йылысь медым юргө  
Медмича сьыланкыв.

**Ширяев В. Первой «пять».**  
Садйын олөм коли бөрө,  
Велөдчыны кад.  
Школасянь со воис Боря,  
Ачыс вывті рад.

Пыр жө сійө мамлы киö  
Сетіс лөз тетрадь.  
Нюмъялігтыр шуис: - Видзөд,  
Талун менам «пять».

Тайө «пятьсө» быттьө ачыс  
Пөлучитіс мам.  
Долыд нюмөн сэки өзйис  
Сылөн чужөмбан.

**Юшков Геннадий.**  
Коркө лөнь, а коркө зык,  
Мамыдлөн пө пиыд кык,  
Ичөт вокыс повны дугдө,  
Асьсө өтвылө и пуктө  
Ыджыдыскөд.  
И оз таысь мамыс өлөд,  
Ичөтыс мед збой жө вөлі.

Некод шогтö оз на пык,  
Мамыдлөн кö нылыд кык.  
Шоныд сылөн небыд кийс,  
Тырмö сылөн сьöлөм биыс  
Кыкнанныслы.  
Век кöть син улас и видзис,  
Сійөн кыкнаныс и мича.

Мамыд, майбыр, оз и лёкав,  
Быдмöны кö чоя-вока.  
Нюмсö мамы доз и сайöд.  
Медся бырыс сылы тайö,  
Ныв да пи кö.  
Асывводзнад шытöм кока,  
Узьöны кö чоя-вока.

**Юшков Геннадий. Ыджыд мамö**

Ыджыд мамö бурнас  
Овлö сэтшöм бур!  
Окалас и кутлас,  
Малалыштас юр.

Ыджыд мамö скöрнас  
Овлö сэтшöм скöр!  
Колö пö тэд тасма  
Либö вöсни ньөр.

Нюмъялö то сійö,  
А то ньöти оз,  
Сы вöсна мый овла  
Рам и вильышпоз!